



Afasia ta un disturbio den idioma.

Hende ku tin afasia por tin problema ku abla,  
komprondementu,  
lesamentu, skribimentu i kontamentu.

E motibu di afasia semper ta un leshon selebral. Den mayoria okashon ta un ataka, pero tambe un aksidente òf un tumor por okashoná afasia.



Un hende ta haña un ataka ora e disposishon di sanger den e selebro diripiente ta wòrdú stroba. Esei por na dos manera: un ader por ta konstipá (verstòp) òf u ader por bai lèk.

### Konstipashon:

Un ader por verstòp dor di hinchamentu den banda di e ader (trombose) òf dor di un pròp di sanger (embolie). E ora ei nos ta papia di un infarto selebral.



### Lèkmentu

Den e ader por paresé un pida ku ta debil (aneurysma); e pida debil aki por haña porio anto bai kuminsá lèk òf por baster habri. E ora ei nos ta papia di un derame selebral.



**Dòkternan** mayoria biaha ta yama un ataka un **CVA: Cerebro Vasculair Accident**.



**Idioma** ta na un lugá importante den nos bida diario. Nos ta **papia** ku otro hende, nos ta **lesa** den korant, nos ta **traha** y nos ta **siña**. Nos ta usa idioma pa nos pone nos pensamentunan riba un rei y pa nos traha plannan pa futuro.

Hendenan ku tin afasia por tin problema ku hopi kos, di kual ántes promé ku e afasia tabata kosnan masha normal:

- Pa hiba un **kombersashon**
- **Papia** den un ambiente òf kaminda tin hopi bochincha
- Pa **lesa** un buki, un korant òf un revista òf lesa e bòrchinan kantu di kaminda
- Pa **komprondé** òf **konta** chiste
- Sigui programanan di **televishon** òf **radio**
- **Skirbi** karta òf yena un formulario
- Yama na **telefòn**
- **Konta**, keda kòrda sifra òf pa anda ku sèn
- Pa **bisa** su mes **nòmber** òf nòmber di su famia



Hendenan ku tin afasia tin problema ku idioma, pero nan no ta loko.

Mayoria hende ku tin afasia ta haña ku nan bida a kambia drástikamente. Kosnan ku ántes tabata fásil, ta kosta muchu mas tempu i esfuerzo. Hopi hende ku tin afasia ta sinti nan mes insigur i nan ta prekupá kon mester sigui bai.

P'esei ayudo i apoyo di hendenan mas serka ta hopi importante.

Sera konosí ku otro hende ku tambe tin afasia tambe por yuda.

Hende ku tin afasia ta komprondé otro sin mester di palabra.

## Kiko bo mes por hasi

- **Konta hendenan** ku bo tin afasia
- Kologá un **karchi** na bo kurpa kaminda tin para kiko ta afasia
- Purba bisa loke bo ke men dor di **hasi seña, pinta, skirbi** òf **mustra**
- Pidi yudansa serka famia òf amigu
- **Plania adelantá**, prepará un kombersashon den bo mes òf riba papel
- Kompartí bo prekupashonnan ku otro, no keda prekupá bo so



**Hasi seña**



**Pinta**



**Skirbi**



**Mustra**